

逸周書補注

逸周書卷二十

晉孔晁注

江都陳逢衡補注

芮良夫解第六十三

胡應麟三墳補逸曰芮良夫解通章俱格言軌論而辭氣絕類成宣間非戰國時人筆也序稱芮伯納王於善暨執政小臣咸省絕躬作爲此書按紀年厲王八年初監謗芮良夫戒百官於朝書辭所云民至億兆后一而已寡不敵衆后其危哉又云賢智箝口爲王之患其惟國人皆與監謗意合所謂爾執政小子

惟以貪諛爲事不勤德以備難偷生苟安爵以賄成
下民胥怨手足靡措正指榮夷公輩至贖禍翫災未
知王之所定等語隱然若預知流彘之事者國語但
稱良夫諫厲王用榮夷公而監謗獨載召公之語非
竹書紀此幾不知所謂矣衡案應麟所引賄成作毀
成手足作於足此傳寫之
訛今改正又苟安上
脫偷生二字今補

芮伯若曰子小臣良夫稽道謀告

孔注伯爵若順也順其事而告之也

補注芮良夫書顧命芮伯之後稽考也道猶事也謀

嘉謀告入告也案芮伯若曰者猶書大誥康誥酒誥之王若曰君奭立政之周公若曰也乃秉筆者推原語意而而代爲文之之辭孔解若順也誤

天子惟民父母致厥道無遠不服無道左右臣妾乃違孔注無道無德政違畔也

補注無遠不服德所致也左右臣妾乃違今不行也民歸於德德則民戴否則民讎茲言允効於前不遠

孔注言驗於前世不遠言近

補注民心無常唯惠之懷故曰民歸於德德則民戴

撫我也否則民讎虐我也

商紂不道夏桀之虐肆我有家

孔注舉桀紂惡滅亡爲戒也

補注周厲無道與桀紂同良夫不敢斥言王故曰肆
我有家肆故今也我有家非王而何

嗚呼惟爾天子嗣文武業惟爾執政小子同先王之臣昏

行口顧道王不若

空圍疑
是弗字

孔注同爲昏闇教王爲不順

補注惟爾天子嗣文武業尊其名重其任以警之也

惟爾執政小子同先王之臣謂以左右便辟上與執政大臣並列執政小子卽指虢公長父榮夷終輩召穆公民勞之篇所謂戎雖小子而式宏大也道與導同

專利作威佐亂進禍民將弗堪

孔注專利侵民佐亂進於禍也

補注此昏行導王之實事周語厲王說榮夷公榮公好專利而不知大難是其專利之證又云得衛巫使監謗者以告則殺之國人莫敢言是其作威之證左

昭二十六年傳曰至於厲王王心厲虐萬民弗忍居
王子穽是其佐亂進禍民將弗堪之證

治亂信乎其行惟王暨爾執政小子攸聞

孔注行善則治行惡則亂皆所聞知

古人求多聞以監戒不聞是惟弗知

孔注言古人患不聞故有所不知也

補注求多聞以監戒監前車也不聞是惟不知則當
日求老成金石之論矣良夫蓋將以治亂之說戒王
及執政小子故先以引之下文后除民害至如之戒

王今爾執政小子至不其亂而戒執政小子以予小
臣良夫至其惟國人申戒王嗚呼至惟爾之禍申戒
執政小子

后除民害不惟民害害民乃非后

句

惟其讎于謂兆民

孔注害民是與民爲怨讎

補注除民害如堯舜禹湯文武害民如桀紂

后作類后弗類民不知后惟其怨

孔注言民不從上命從其所行類善也不知君則怨

深矣

補注上文乃非后者不成爲后也此云不知后者民不以爲后也

民至億兆后一而已寡不敵衆后其危哉

孔注言上下無義對其相怨則寡者危也

補注禮天子曰億兆言德愈廣民愈多也夏書五子之歌曰于視天下愚夫愚婦一能勝予予臨兆民凜乎若朽索之馭六馬又曰萬姓仇予予將疇依蒞伯蓋深有監於太康失國而竊念此時民心已去故以衆寡不敵爲王告之母如王之惑溺已深故卒有圍

宮之禍

嗚呼□□□如之

案此條脫誤不止空三字

孔注□□人養食之則擾服雖家畜不養則畏人治

民亦然也

盧文弨曰注首有脫文或是禽獸舊本不空非

今爾執政小子惟以貪諛爲事不懃德以備難

難去聲

孔注專利爲貪曲從爲諛

補注惟以貪諛爲事則民受其虐矣不懃德以備難則禍至無日矣柔柔之刺所以興也

下民胥怨財力單竭手足靡措弗堪載上不其亂而

孔注言民相與怨上上加之罪民不堪命而作亂

補注詩小雅桑柔序云芮伯刺厲王也其首章曰捋
采其劉瘼此下民其次章曰民靡有黎具禍以燼其
十一章曰民之貧亂寧爲荼毒芮伯一詩一書真苦
口藥石也其如小子蹻蹻何哉不其亂而言必亂也
以予小臣良夫觀天下有土之君

孔注有土謂之諸侯也

盧文弨曰之字疑衍衛案謂
字當在有土上之字不必衍

厥德不遠罔有代德

孔注言無遠德罔有天下也

時爲王之患其惟國人

孔注是國人爲患也

補注盧文弨曰言今諸侯無若湯武者故患不在諸侯而在國人言內潰也衡案汾王居薨十五年芮伯蓋已逆料其必然矣故孟子曰得乎邱民而爲天子嗚呼惟爾執政朋友小子其惟洗爾心改爾行克憂爾怨以保爾居

孔注洗心改行憂往過則安爾之居位

補注小人攬權未有不植黨者桑柔曰嗟爾朋友總

括之辭也能洗心改行則無專利作威之事

爾乃贖禍翫哉遂弗竣予未知王之所定矧乃□□

盧文弨曰

缺處疑是小子二字衡案孔注當是諛臣二字

孔注贖陽不聞翫心不惕悛改矧況也尙不知王定況貪諛之臣能得其所也

補注詩大雅板凡伯刺厲王也詩曰天之方難無然憲憲天之方蹶無然泄泄是其贖禍翫哉之證予未知王之所定蓋不敢斥言奔竄也

惟禍發於人之攸忽於人之攸輕口不存焉變之攸伏

孔注言人所輕忽則禍之所起謂下民也

補注所謂變生肘腋不可測也空方疑是罔字焉於也謂大命之傾罔不存於變之所伏也

爾執政小子不圖善偷生苟安爵以賄成

孔注苟且無遠慮賄賂不任德

補注偷生苟安如燕雀處堂而不知火將及已也爵

以賄成則國事不可問矣

賢智箝口小人鼓舌逃害要利竝得厥求唯曰哀哉

要平聲

孔注賢者靖默以逃害小人佞諂以要利各得其求

君子爲之哀者也

補注賢智箝口小人鼓舌所謂黃鍾毀棄瓦缶雷鳴也

我聞曰以言取人人飾其言以行取人人竭其行飾言無庸竭行有成

孔注君子不以言舉人無功故也欲行有成故也

惟爾小子飾言事王實蕃有徒王貌受之終弗獲用面相誣蒙及爾顛覆

孔注蕃多徒衆言非一也貌謂外相悅而無實也君

臣之相誣蒙必相及其顛覆之也

盧文弨曰之字衍

補注面相誣蒙謂欺罔也及爾顛覆謂死亡也

爾自謂有餘予謂爾弗足敬思以德備乃禍難

難去聲

孔注言其不足於道義也以用也乃汝也

補注有餘寬裕之貌不足竭蹶之象敬思以德備乃

禍難猶所謂歉德以備難也

難至而悔悔將安及無曰子爲惟爾之禍

難去聲

孔注爲不言也

補注無曰子爲言無以子爲此過激之言也惟爾之

禍故不憚苦口與子豈不知而作同義

太子晉解第六十四

世以太子晉爲王子喬非也太子晉亦稱王子晉王
子卽太子王子二字聯子晉二字不聯世單呼子晉
亦非也其誤始於列仙傳王子喬周靈王太子晉之
說後漢書王喬傳或云此古仙人王子喬也按王喬
或可稱王子喬斷不可稱王子晉以王子晉之王子
是太子之稱號而王喬之王則其姓也王符潛夫論
志氏姓篇周靈王之太子晉幼有成德聰明博達溫